

## ক্যারিবিয়ান মাতানো জাহাজ 'ঈগল'

মেরি জেন ম্যাক্সওয়েল - জুলাই ৯, ২০১৮



৯০ মিটার দীর্ঘ জাহাজ ঈগলে রয়েছে ২৩টি পাল। ভার্জিনিয়া উপকূলের অদূরে এক বাঁক জাহাজকে নিয়ে চলেছে ঈগল। (সিড হেলবার/এপি ছবি)

যুক্তরাষ্ট্রের কোস্টগার্ডের ঐতিহ্যবাহী কায়দায় নির্মিত জাহাজ ঈগল (টেল শিপ) দাপিয়ে বেড়াচ্ছে ক্যারিবিয়ান সাগর। ২০১৮ সালের গ্রীষ্ম মৌসুমের মহড়া উপলক্ষ্যে বার্বাডোস, ডমিনিকান রিপাবলিক, কুরাসাও, হন্ডুরাস ও কলাম্বিয়া যাওয়ার কথা জাহাজটির।

১৯৪৬ সাল থেকে ঈগল এর মূল কাজ হচ্ছে কোস্ট গার্ডের ক্যাডেটদের প্রশিক্ষণ। এর অন্য একটি কাজ হচ্ছে জনসংযোগ। সারা বিশ্ব ঘুরে বিভিন্ন দেশ সফর করে বেড়ায় জাহাজটি। অন্যান্য দেশের কোস্ট গার্ডের সাথে অংশ নেয় জাহাজের রেস ও অন্যান্য নানা আয়োজনে।



**The U.S. Coast Guard protects and defends:**

- **160,000 kilometers** of U.S. coastline and inland waterways
- **11.5 million square kilometers** of Exclusive Economic Zone

*Safeguarding the marine environment and its natural resources within an Exclusive Economic Zone stretching from Puerto Rico in the Caribbean Sea to Guam in the Pacific Ocean.*



Source: U.S. Coast Guard

পুয়ের্তোরিকোর স্যান হুয়ান বন্দর থেকে ফোনে ইংলের ক্যাপ্টেন ম্যাট মিলস্ট্রাপ বললেন, 'কোস্টগার্ডের সেরা চাকরিটাই আমার।' ইংল জাহাজে প্রতি বছর ৯০০ পর্যন্ত হবু অফিসারের ট্রেনিংয়ের দায়িত্ব মিলস্ট্রাপের। বিভিন্ন দেশের বন্দরে শুভেচ্ছা সফরের মধ্য দিয়ে এ প্রশিক্ষণ চলে।

অত্যাধুনিক প্রযুক্তি সংযোজিত জাহাজের যুগে ক্যাডেটদের শত শত বছরের পুরনো নৌচালনাবিদ্যা শেখানো বিস্ময়কর মনে হতে পারে। তবে কোস্টগার্ড ইংল জাহাজে নবীন অফিসারদের ঐতিহ্যবাহী প্রশিক্ষণ দেওয়াটাকে বিশেষ গুরুত্ব দেয়। প্রসঙ্গত, কোস্টগার্ড যুক্তরাষ্ট্রের সামরিক বাহিনীর পাঁচটি সশস্ত্র শাখার একটি।

(পররাষ্ট্র দপ্তর/ডি টমসন)

## ভাসমান শুভেচ্ছা দূত

'কোনো নতুন বন্দরে প্রবেশ করার পর আমরা স্থানীয় লোকজনকে জাহাজটি ঘুরে দেখার সুযোগ দিই। স্বাগত অনুষ্ঠানের আয়োজন করি। চলে মজার অভিজ্ঞতা বিনিময় আর পরস্পরকে জানাশোনা', বললেন ফার্স্ট-ক্লাস (৪র্থ বর্ষ) ক্যাডেট র্‌যাচেল হ্যামল্ড। আগামী বছর ইউএস কোস্ট গার্ড একাডেমি থেকে পাস করে বের হবেন তিনি।

ফার্স্ট-ক্লাস ক্যাডেট অ্যাডাম উইলহেলম বলেন, কোস্টগার্ড সম্পর্কে সবাইকে যতটা সম্ভব ভালো ধারণা দিতে চেষ্টা করেন তারা। বাহিনীটির সঙ্গে সাধারণ মানুষকে পরিচয় করিয়ে দেন তারা। এর কাজ সম্পর্কে ধারণা দেন তাদের। এতে করে ভবিষ্যতে সাধারণ মানুষের সঙ্গে মতবিনিময়ের কাজ করাটা সহজ হয়ে যায়।

বিভিন্ন উপকূলীয় এলাকা ও তীর থেকে একটি নির্দিষ্ট দূরত্ব পর্যন্ত (যাতে বলে ইইজেড বা এক্সক্লুসিভ ইকোনমিক জোন) সমুদ্রতল সুরক্ষায় একটি গুরুত্বপূর্ণ ভূমিকা রাখে কোস্টগার্ড। আন্তর্জাতিক আইন অনুযায়ী একটি দেশ তার ইইজেড অঞ্চলের মধ্যে মাছ ধরা, খনিজ সম্পদের জন্য খনন ও অন্যান্য অর্থনৈতিক কার্যক্রমের একান্ত অধিকার রাখে।

ঈগল ও এর ক্রু সদস্যরা এ গ্রীষ্মেই চিলির দ্বিশতবার্ষিকী উদযাপন করতে সাহায্য করবেন। দক্ষিণ আমেরিকান দেশগুলোর টল শিপগুলোর সঙ্গে যোগ দেবেন তারা। বর্তমানে ওই মহাদেশেরই উপকূল প্রদক্ষিণ করছে জাহাজগুলো। বিভিন্ন গুরুত্বপূর্ণ স্থানে সমবেত হবে এগুলো। এর মধ্যে ১৫-১৮ জুলাই থাকার কথা কুরাসাওয়ে।

ক্যাপ্টেন মিলস্ট্রাপ বলেন, 'আমরা ঈগলের মতো একই কাজ করা বিদেশি জাহাজগুলোকে কুরাসাওতে দেখার প্রতীক্ষায় আছি।' ক্যাপ্টেন বললেন, 'ঈগল কোনো বিদেশি বন্দরে ভিড়লে স্থানীয়দের আমরা আমেরিকার একটু ছোঁয়া দিই।'

## কাজের মাধ্যমে শেখা



বাঁয়ে: ১৯৭৬ সালের এক ছবিতে ক্যাডেটরা ঈগলের ডেকের ওপর দিয়ে দড়ি টেনে নিচ্ছে (এমসি/এপি ছবি)। ডানে: একজন ক্যাডেট ঈগলের এক মাস্তুল বেয়ে ওপরে উঠছেন, ১৯৯২ সালে প্রশিক্ষণের সময় তোলা ছবি। (ডেভিড হ্যাম্বশাহ/এন.ওয়াই ডেইলি নিউজ আর্কাইভ/গোটি ইমেজেস)।

ক্যাডেটরা যেসব কাজ শেখে সেগুলো হচ্ছে: জাহাজটির বিশাল কাঠ ও পেতলের তৈরি হুইল ঘোরানো, সূর্য ও তারার অবস্থান দেখে দিক নির্ণয় করা এবং ৬ হাজার ৮শ বর্গমিটারের বেশি পাল ও প্রায় দশ কিমি রিগিংয়ের (পাল ও মাস্তুলের দড়ি আর তার) ব্যবস্থাপনা করা।

ক্যাপ্টেন মিলস্ট্রাপ বলেন, ক্যাডেটরা ক্লাসে শুধু তত্ত্ব শেখে। কিন্তু জাহাজে ওদের সত্যি সত্যি কাজটা করতে হয়। ওরা অনেক কিছু করে। আমরা ওদের নানা কিছু করতে দিই। এতে করে ক্যাডেটরা আর হাত-পা গুটিয়ে আয়েশ করতে পারে না। ওদের শেখাটা দ্রুত এগিয়ে যায়। সবাই হয়ে ওঠে আত্মবিশ্বাসী।

হ্যাম্বশ বলেন, জুনিয়র ক্যাডেটদের নেতৃত্ব দিতে দিতে আস্থা ও নেতৃত্বের প্রশিক্ষণও হচ্ছে তার। 'এখানে শুধু একটি বিষয়ে নজর দিলে চলে না। আপনাকে পুরো চিত্রটা মাথায় রাখতে হবে। দায়িত্বে থাকা জ্যেষ্ঠ কর্মকর্তাদের পক্ষে সবসময় সব জিনিসের খুঁটিনাটি মাথায় রাখা সম্ভব নয়। সুতরাং আমাদের ক্রু সদস্যদের ওপর আস্থা রাখতে হয়। ভরসা রাখতে হয় তাদের কাজের ওপর। তাহলেই কেবল এই পুরো কাজটা সুষ্ঠুভাবে চলা সম্ভব হবে', বলেন হ্যাম্বশ।

উইলহেলম বলেন, "এটা সাবেকী কেতার নৌচালনা।" "ঈগলে আমাদের প্রধান কাজগুলোর একটি হচ্ছে পালগুলো সামলানো। অভিজ্ঞতা থেকে আমাদের একটা বড় শিক্ষা হচ্ছে, এটা একা করা সম্ভব নয়। সত্যি বলতে কী, ঈগল-এ এমন একটি কাজও নেই যা একা করা সম্ভব।"

উইলহেলম বলেন - "সবকিছুর জন্যই দলীয় চেষ্টা লাগে।"